



Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu članova 70. i 71. Zakona o javnim nabavkama („Službeni glasnik BiH“ broj 39/14, 59/22 i 50/24 – u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 9134/26 od 15.09.2026. godine, Uprava Javnog preduzeća „Grijanje“ d.o.o. Zenica, donosi:

O D L U K U

o izboru najpovoljnijeg ponuđača

„POLIKO-INTERNACIONAL“ d.o.o. Sarajevo, Bojnička broj 105, 71210 Ilidža, bira se za najpovoljnijeg ponuđača u postupku nabavke roba – Cijevne armature putem konkurentskog zahtjeva za dostavu ponuda, Obavještenje o nabavci sa portala javnih nabavki broj: 1091-7-1-147-3-34/26 od 25.08.2026. godine.

II

Odabranom ponuđaču bit će ponuđen Ugovor o nabavci roba – Cijevne armature, a najkasnije u roku od 10 (deset) dana od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 25.08.2026.godine, ugovorni organ je sačinio tendersku dokumentaciju broj: 8332/26 za nabavku roba – Cijevne armature, putem konkurentskog zahtjeva za dostavu ponude, procijenjene vrijednosti 31.000,00 KM. Na osnovu Obavještenja o nabavci broj: 1091-7-1-147-3-34/26 od 25.08.2026. godine, objavljenog na Portalu javnih nabavki ejn.gov.ba, ponudu su blagovremeno dostavila 4 (četiri) ponuđača, i to:

1. „Termoelektro trade“ d.o.o. Brčko sa ponuđenom cijenom u iznosu od 30.911,29 KM bez PDV-a,
2. „TIPING COMPANY“ d.o.o. Zenica sa ponuđenom cijenom u iznosu od 30.885,00 KM bez PDV-a,
3. „INELEX“ d.o.o. Sarajevo sa ponuđenom cijenom u iznosu od 31.000,00 KM bez PDV-a,
4. „POLIKO-INTERNACIONAL“ d.o.o., sa ponuđenom cijenom u iznosu od 31.000,00 KM bez PDV-a.

Komisija za javne nabavke ugovornog organa, shodno tenderskoj dokumentaciji, u predmetnom postupku izvršila je otvaranje blagovremeno pristiglih ponuda dana 08.09.2026. godine i utvrdila sljedeće:

Ponuda ponuđača „Termoelektro trade“ d.o.o. Brčko:

- Stavka 4 Obrasca za cijenu ponude – Zasun zaporni sa metalnim brtvljenjem, sa prirubnicama NP10, ravno kućište DN50, NP10 metal, l-150u - U koloni 7 (Jedinična cijena bez PDV-a) upisan je iznos od 198,88 KM, a u koloni 8 (Ukupna cijena bez PDV-a) upisan iznos 1599,04 KM. Međutim, kada se kolona 6 (Količina) pomnoži sa kolonom 7 (Jedinična cijena bez PDV-a) – 8 * 198,88 KM dobije se ukupna cijena bez PDV-a u iznosu od 1.591,04 KM. Ugovorni organ je tražio suglasnost od ponuđača za ispravku računске greške i ponuđač je u ostavljenom roku dostavio ispravljen Obrazac za cijenu ponude.
- Stavka 2 Obrasca za cijenu ponude - Kuglasti ventili sa punim protokom, navojni priključci, NP25 - Dostavljen nepotpun tehnički list, nisu navedeni podaci za brtve kugle i brtve osovine.
- Stavka 3 Obrasca za cijenu ponude - Kuglasti ventili sa punim protokom, sa prirubnicama NP16, ravno kućište - U koloni 3 (Proizvođač) naveden je BAODING. (Provjerom je utvrđeno da se radi o kinsekom proizvođaču). Dostavljen je nepotpun tehnički list, nema naziva proizvođača BAODING u tehničkom listu, a naziv proizvoda kuglasti ventili sa prirubnicama je rukom dopisan u zaglavlju, te isti ovjeren pečatom od Tomić Srete -

preduzetnik strugarska i mašinbravarska radnja KOLOS Temerin. U tehničkom listu nigdje nema naveden radni pritisak PN16, te standard za prirubnice EN 1092-2 i standard za ugradbene dužine EN 558-1.

- Prilog VI – Nacrt Ugovora o nabavci robe – Cijevne armature – nije popunjen dio koji se odnosi na generalije ponuđača niti vrijednost ugovora, a što je bio dužan popuniti u skladu sa tačkom 6.1. tenderske dokumentacije.

Shodno navedenom, ponuda ponuđača „Termoelektro trade“ d.o.o. Brčko, u skladu sa članom 2. Zakona je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Ponuda ponuđača „TIPING COMPANY“ d.o.o. Zenica:

- Stavka 2 Obrasca za cijenu ponude - Kuglasti ventili sa punim protokom, navojni priključci, NP25, kao Kovina ili ekvivalent – Dostavljen nepotpun tehnički list, nije naveden standard za testiranje ventila pritiskom EN12266 ili DIN3230.
- Stavka 3 Obrasca za cijenu ponude - Kuglasti ventili sa punim protokom, sa prirubnicama NP16, ravno kućište – Dostavljen nepotpun tehnički list, nema podatka o testiranju ventila prema EN 12266_1 i standarda za prirubnice EN 1092-2.

Shodno navedenom, ponuda ponuđača „TIPING COMPANY“ d.o.o. Zenica u skladu sa članom 2. Zakona je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Ponuda ponuđača INELEX d.o.o. Sarajevo:

- Obrazac za cijenu ponude - Nije popunjena kolona 3 (Poizvođač) i kolona 4 (Tip) niti za jednu stavku iz obrasca, a što je ponuđač bio dužan popuniti u skladu sa tačkom 6.4. tenderske dokumentacije.
- Stavka 3 Obrasca za cijenu ponude - Kuglasti ventili sa punim protokom, sa prirubnicama NP16, ravno kućište – Dostavljen nepotpun tehnički list, nigdje nema naveden standard za prirubnice EN1092-2 i standarda za ugradbene dužine EN 558-1.

Shodno navedenom, ponuda ponuđača INELEX d.o.o. Sarajevo u skladu sa članom 2. Zakona je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Ponuda ponuđača „POLIKO-INTERNACIONAL“ d.o.o. Sarajevo zadovoljava sve zahtjeve iz tenderske dokumentacije i ispunjava uslove za kvalifikaciju ponuđača pa je shodno tome ocijenjena kao prihvatljiva.

Tenderskom dokumentacijom predviđeno je provođenje e-aukcije. U skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“ broj 80/23) e-aukcija nije zakazana, jer je primljena samo jedna prihvatljiva ponuda, te se postupak okončava u skladu sa članom 69. stav (1) tačka a) Zakona.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „POLIKO-INTERNACIONAL“ d.o.o. Sarajevo kao najpovoljnijeg za predmetnu nabavku, te da odabranom ponuđaču ponudi zaključenje ugovora o nabavci roba – Cijevne armature.

Imajući u vidu navedeno, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **5 (pet) dana** od dana prijema iste.

Direktor

 Muhammed Pašalić, Mr.dipl.ing.el.

Broj: 9135/26

Datum: 15.09.2026. godine

DOSTAVITI:

4x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove